

Recursos Humanos
Expediente 31280/220

CONCELLERÍA DE
XESTIÓN MUNICIPAL E
PERSOAL

CONCELLO
DE VIGO



BOLSA DE EMPREGO DE OPERARIO/A PEÓN

ACTA 5

Na Sala Anexa ao Pleno, sita na planta primeira da Casa do Concello, sendo as 10,00 horas do día 8 de febreiro de 2018 reúnese o órgano de selección encargado de xulgar-las probas selectivas correspondentes á Bolsa de Emprego, que permita os nomeamentos interinos previstos no artigo 10.1 do real Decreto Lexislativo 5/2015, do 30 de outubro, polo que se aproba o texto refundido da Lei do Estatuto Básico do Empregado Público (E.B.E.P.), como operario/a peón, ao obxecto de analizar e resolver as alegacións presentadas contra as preguntas e cualificacións do primeiro exercicio (cuestionario tipo test).

O órgano de selección queda constituído coa asistencia dos seguintes membros:

Presidente: D. **Ezequiel Fernández Carpintero**, Técnico de Organización e Planificación de Recursos Humanos do Concello de Vigo.

Secretario: D. **Lucio Camilo Varela Borreguero**, Técnico de Administración Xeral do Concello de Vigo.

Vogais:

1º D. **Javier Figueroa Castro**, oficial mantemento do servizo de deportes do Concello de Vigo.

2º D. **Jesús Alberto Docamiño Raimúndez**, Xefe equipo oficios do Concello de Vigo.

3º D. **Guillermo Lorenzo Carrera**, oficial de instalacións municipais do Concello de Vigo.

Procedemos ao estudo das reclamacións presentadas contra as seguintes preguntas:

Pregunta nº 2: Segundo o artigo 1 do Estatuto de Autonomía, alas norma/s institucional/is básica/s da Comunidade Autónoma de Galicia é/son:

Alegan os/as recorrentes que debe anularse esta pregunta por non figurar no temario o Estatuto de Autonomía de Galicia.

O órgano de selección entende que procede desestimar esta alegación porque resulta obvio que si figura no temario, xa que o Tema 1 da Parte xeral é: *"Breve referencia ao significado da Constitución e ao Estatuto de Autonomía de Galicia"*.

Pregunta nº 5: Segundo o artigo 95.2 do Texto refundido da Lei do Estatuto Básico do Empregado Público, considérase unha falta grave:

Alegan os/as recorrentes que a pregunta é errónea no seu enunciado e consecuentemente ningunha resposta é válida, xa que o artigo 95.2 citado refírese as faltas moi graves e non as graves.

O órgano de selección entende que procede desestimar esta alegación porque evidentemente o artigo 95.2 refírese ás faltas moi graves non as graves e, por iso, a resposta correcta é a 'd) Ningunha das anteriores.', porque as contempladas nas outras opcións (a, b e c) son faltas moi graves recollidas expresamente no punto 2 do artigo 95.



Copia auténtica do orixinal - Concello de Vigo

Data impresión: 09/02/2018 11:58

Páxina 1 de 5

Expediente 31280/220

CSV: 24EB4-8EC8A-24C8C-2E53A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

Pregunta nº 7: Para desmontar un tabique:

Alegan os/as recorrentes que a pregunta non se corresponde co temario nin coas funcións propias do posto de operario-peón, nin se especifica a que tipo de tabique se refire, xa que hai tabiques de diferentes materiais sendo o tratamento para desmontalo tamén diferente.

O órgano de selección entende que procede desestimar esta alegación ao considerar que, esta pregunta pode incluírse tanto no tema 1 (*Ferramentas máis utilizadas polas brigadas de obras, albanería, electricidade, carpintería e fontanería. Características e aplicacións*) como no tema 4 (*Os materiais da construción. Clases e aplicacións*) da parte específica.

O Dicionario da Construción define Tabique como *"Elemento construtivo moi común que conforma as divisións ou particións interiores dun edificio. É unha parede de pouco espesor realizada, polo xeral, con ladrillos cerámicos ocos sinxelos ou con superladrillos, recibidos, xeralmente, con pasta de yeso e revestidos posteriormente mediante un gornecido e posterior enlucido de yeso. Tamén poden ser de cartón-yeso. Non teñen función estrutural e non deben verse afectados por movementos estruturais"*, polo que ao non especificarse na pregunta a un tipo de tabique en concreto, enténdese que é un tabique construído con ladrillos, que é a forma xeral en que están construídos.

Pregunta nº 9: Dos cepillos que se relacionan, indique o que máis come

Alegan os/as recorrentes que a pregunta está mal formulada ofrecendo posibilidades ambiguas de resposta, xa que o cepillo acanalador tamén pode ser unha resposta axeitada.

O órgano de selección entende que procede desestimar esta alegación ao considerar que a garlopa é a máquina de labrar a madeira utilizada por excelencia na etapa de preparación dos materiais, para aplanar unha cara e escuadrar un canto que servirán de guía para as seguintes etapas de mecanizado nas serras ou o cepillo, tamén empregáse noutras etapas do traballo para rebaixar algunhas pezas, cepillar cabezas de grandes taboleiros, achafrantar, cantear placas e derivados da madeira; algunhas garlopas permiten realizar o rebaixe para marcos de portas e xanelas; e un cepillo acanalador (tamén chamado canalador e guillame de ensamblar) é unha especie de cepillo que usan os carpinteiros para abrir nos cercos e peinaos de portas e xanelas as canles en que entran e quedan asegurados os taboleiros, polo que resulta evidente que unha garlopa 'come' máis que un cepillo acanalador xa que este tan só serve para abrir canles e non para labrar e preparar a madeira.

Pregunta nº 11: A chave grifa:

Alegan os/as recorrentes que a resposta dada como correcta "a) *Ten unha función similar á da chave inglesa, é unha ferramenta especializada para fontanería*" non o é, xa que a chave inglesa e a chave grifa non son similares nin parecidas.

O Dicionario da construción fai as seguintes definicións:

Chave grifa: a chave grifa ou stillson é unha chave de gran resistencia. Ten unhas mordazas flotantes de superficie estriada e de paso variable para realizar operacións de suxeición e aperte de tubaxes ou superficies cilíndricas.

Chave inglesa: a chave inglesa ou de paso axustable serve para apertar parafusos ou porcas de distintos tamaños sen necesidade de cambiar de ferramenta. Dispón dunhas mordazas paralelas cun vástago de mordaza axustable. Non son adecuadas para realizar gran forza de aperte, xa que para iso as máis adecuadas son as chaves fixas. Existen distintos tamaños de chave inglesa.

Existen en varios tamaños, como: 8, 10, 12, 14, 18, 24 e outros (expresados en polgadas).

É dicir, ambas ferramentas utilízanse para o agarre ou aperte de tubaxes ou pezas e, por outra parte, as lonxitudes das mesmas, expresadas en polgadas, sempre son en números pares.

A función de ámbalas dúas chaves enténdese por ser axustables mediante unhas mordazas, unha fixa e outra móbil para adaptarse á peza que se quere manipular; tamén o sistema de axuste é o mesmo mediante o xiro dunha porca unida a un parafuso 'sinfín'

En consecuencia, a resposta a) é a única correcta xa que ten unha función similar á da chave inglesa que é a de suxeición ou aperte de pezas (xa sexan tubaxes ou parafusos e porcas), e tamén é unha ferramenta especializada para fontanería, non así a chave inglesa, sendo a



Copia auténtica do orixinal - Concello de Vigo

Data impresión: 09/02/2018 11:58

Páxina 2 de 5

Expediente 31280/220

CSV: 24EB4-8EC8A-24C8C-2E53A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

ferramenta que mellor se identifica coa profesión de fontaneiro, podería dicirse que é a ferramenta típica de fontaneiro.

A resposta b) non é correcta xa que non ten mordazas fixas senón flotantes.

A resposta c) non é correcta xa que non existe diferenza entre elas ('... mordazas máis grandes...'), senón que son distintas denominacións para unha mesma ferramenta.

A resposta d) non é correcta xa que os tamaños expresado en polgadas realízase con numeración par e non impar.

Pregunta nº 12: Que é un DUMPER?

Alegan os/as recorrentes que consideran que a resposta dada como correcta non se corresponde co sinalado nos temarios de Peóns de distintas editoriais e, por outra parte, que non é un equipo de traballo.

O órgano de selección entende que procede desestimar esta alegación ao considerar que segundo o Dicionario da Construción un DUMPER '*é un camión basculante de gran manobrabilidade e apto todo terreo, especialmente en pistas de obra en mal estado, destinado ao transporte de cargas de ata 75 toneladas. En obra civil pode ser ríxido, articulado, para circular ou non por estrada. É de gran robustez, con compoñentes de alta durabilidade, pneumáticos tipo todo-terreo e o seu peso é 3 ou 4 veces maior que o de un camión normal, conseguindo unha gran produción na carga de material. Adoita estar provisto dun mecanismo que permite levantar ou xirar a caixa, para realizar a descarga lateral, frontal ou traseira*', polo que a resposta dada como correcta "*b) Equipo de traballo destinado ao transporte de materiais dotado dunha caixa basculante para a descarga*", resulta totalmente correcta, correspondéndose ademais coas definicións contidas nos temarios que aportan os/as recorrentes, sendo as demais respostas claramente incorrectas.

Por outra parte, en canto á alegación de que non é un equipo de traballo, remitímonos ao disposto no Real Decreto 1215/1997, de 18 de xullo, polo que se establecen as disposicións mínimas de seguridade e saúde para a utilización polos traballadores dos equipos de traballo, que no seu artigo 2 define como '*Equipo de traballo*' calquera máquina, aparato, instrumento ou instalación utilizado no traballo.

Pregunta nº 14: Nun ladrillo, cal é a afirmación correcta?

Alegan os/as recorrentes que tódalas respostas son correctas.

O órgano de selección entende que procede desestimar esta alegación ao considerar que resulta evidente que a única resposta correcta é a b) '*Canto é cada unha das caras delimitadas polas arestas soga e groso*'.

As outras respostas son incorrectas xa que a 'testa' está delimitada polas arestas tizón e groso; a 'táboa' está delimitada polas arestas tizón e soga; e, polo tanto, ao ser correcta a resposta b), a última opción '*d) Todas as afirmacións son correctas*' non é válida.

Pregunta nº 16: O "nivel da auga" está formado por:

Alegan os/as recorrentes que o texto da pregunta ten un significado que non corresponde con ningunha das opcións de resposta.

O órgano de selección entende que procede desestimar esta alegación ao considerar que, aínda que é certo que no enunciado da pregunta existe unha incorrección gramatical (O '*nivel da auga*' está formado por:) no lugar de (O '*nivel de auga*' está formado por:), non existe dúbida algunha que a pregunta se refire ao instrumento ou aparato denominado "*Nivel de auga*" ou nivel de manguera, que é un sistema de nivelado consistente nun tubo de caucho ou plástico transparente cheo de auga, ás veces coloreada, que utiliza a teoría dos vasos comunicantes e que se utiliza levantando os dous extremos do tubo e marcando onde coincidan os niveis de auga de ditos extremos. Das propias opcións que se daban para contestar a pregunta, resulta evidente que ao que se refería a pregunta era ao '*nivel de auga*'.

Alegan outros/as recorrentes que este instrumento está formado por unha goma transparente e non por un tubo de caucho.



Copia auténtica do orixinal - Concello de Vigo

Data impresión: 09/02/2018 11:58

Páxina 3 de 5

Expediente 31280/220

CSV: 24EB4-8EC8A-24C8C-2E53A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

O órgano de selección entende que procede desestimar esta alegación ao considerar que tubo de caucho, plástico ou goma e incluso manguera son termos sinónimos, empregados indistintamente en diferentes textos, sendo o principal a mención de que teñen que ser transparentes. Nalgúns casos utilízanse tubos opacos pero que nos seus extremos teñen unha parte transparente.

Pregunta nº 17: Para os traballos con ferralla utilízanse:

Alegan os/as recorrentes que esta pregunta non aparece dentro do temario relacionado coa praza.

O órgano de selección entende que procede desestimar esta alegación ao considerar que esta pregunta pode incluírse tanto no tema 1 (*Ferramentas máis utilizadas polas brigadas de obras, albanelaría, electricidade, carpintería e fontanería. Características e aplicacións*) como no tema 4 (*Os materiais da construción. Clases e aplicacións*) da parte específica. O Dicionario da Construción define 'Ferralla' como *"labores de almacenamento, corte, dobrado e montado de armaduras en taller e en obra. A elaboración da ferralla parte de barras corrugadas (rectas ou en rolo), mallas electrosoldadas e armaduras básicas electrosoldadas en celosía"*, polo que o corte dunha armadura no taller ou en obra para a súa puntual adaptación pode realizala un operario-peón, sendo a súa obriga coñecer as ferramentas que ten que utilizar.

Pregunta nº 20: O cemento?

Alegan os/as recorrentes que esta pregunta presenta erro en si mesma, sendo imprecisa, incompleta e falta de fundamento, xerando incompreensión e imposibilidade de proporcionar unha resposta.

O órgano de selección entende que procede desestimar esta alegación ao considerar que, seguindo a definición dada polo Dicionario da construción, cemento é: *"Material de construción obtido de materiais pétreos, por calcinación de mesturas de arxilas e terra calcaria. Ten a propiedade de hidratarse en presenza da auga e así obtén a capacidade de unir, adquirindo resistencia co paso do tempo. É o conglomerante máis utilizado para unir certos materiais entre si, a través dun proceso químico. Pódense distinguir os cementos naturais que se obteñen da calcinación das margas, e os artificiais para os cales se utilizan mesturas de arxila e calcaria, preparadas e dosificadas, logrando cementos de maior calidade"*; comunmente enténdese que é un material de construción composto dunha substancia en po que, mesturada con auga ou outra substancia, forma unha pasta branda que se endurece en contacto coa auga ou o aire; emprégase para tapar ou encher ocos e como compoñente aglutinante en bloques de formigón e en argamasas.

O enunciado da pregunta é claro, atópase entre interrogacións e en singular, polo tanto é unha pregunta e sobre un tema xenérico ao carecer de adxectivo cualificativo.

O cemento é un conglomerante que endurece ao aire e baixo a auga e que despois do endurecemento é resistente a aquela.

Polo que a resposta dada como correcta 'c) *Endurece tanto ao aire como mergullado na auga*' é a única correcta, sendo as outras tres opcións claramente incorrectas, non inducendo a ningún tipo de dúbida o enunciado da pregunta.

Pregunta nº 22: A mestura de un ou máis conglomerados, con áridos, amasados con auga, recibe o nome de:

Alegan os/as recorrentes que o texto da pregunta induce a confusión xa que tanto a resposta 'b) *Formigón*' como a 'c) *Morteiro*', poden ser correctas.

O Dicionario da construción fai as seguintes definicións:

Formigón: *Produto resultante da mestura dun aglomerante, un árido fino (area), un árido grosso (grava) e auga, que tras un proceso de fraguado convértese nun material utilizado para fabricar elementos estruturais, de cubrición de cerramento, de acabado e condutos de instalacións. Segundo o estado no que se presenta pode ser formigón fresco (antes do fraguado), ou formigón endurecido (tras o fraguado). Utilízase nas seguintes modalidades: - Formigón en*



Copia auténtica do orixinal - Concello de Vigo

Data impresión: 09/02/2018 11:58

Páxina 4 de 5

Expediente 31280/220

CSV: 24EB4-8EC8A-24C8C-2E53A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

masa: material con pouca resistencia a tracción. - Formigón armado: incorpora á masa do formigón unha armadura de barras de aceiro. - Formigón pretensado: as armaduras ténsanse.

Morteiro: Mestura de conglomerantes inorgánicos, áridos e auga, e, no seu caso, adicións e aditivos.

Á vista destas dúas definicións, o órgano de selección entende que, efectivamente, existen dúas respostas que poden considerarse correctas, polo que procede anular esta pregunta.

Mais tendo en conta que se trata da segunda das preguntas de reserva, e non procedendo a anulación de ningunha das 20 primeiras, esta anulación non ten efecto sobre as puntuacións outorgadas.

Pregunta nº 23: Un compresor?

Alegan os/as recurrentes que existen dúas respostas correctas, a 'b)' e a 'c)', xa que existen compresores portátiles autopropulsados.

"b) fornece potencia a ferramentas pneumáticas.

c) pode ser fixo ou portátil, nese caso posúen rodas que facilitan o seu desprazamento autopropulsado."

O órgano de selección entende que procede desestimar esta alegación ao considerar que, si ben é certo que existen compresores portátiles autopropulsados, non todos os compresores portátiles o son, senón que algúns teñen que ser trasladados a man ou mediante vehículos tractores, polo que a única resposta correcta é a b).

En consecuencia de todo o anteriormente sinalado o órgano de selección, por unanimidade de tódolos seus membros, acorda desestimar as alegacións contra as preguntas números 2, 5, 7, 9, 11, 12, 14, 16, 17, 20 e 23 do primeiro exercicio (test), estimando a relativa á pregunta nº 22, que se anula, aínda que sen efectos sobre as cualificacións outorgadas ao tratarse dunha das preguntas de reserva.

A presente Acta publicarase na páxina web municipal para coñecemento dos alegantes e dos demais interesados no procedemento.

E non habendo máis asuntos que tratar, levántase a sesión sendo as 14,30 horas do día da data sinalada no encabezamento. Do que eu, Secretario, dou fe.

Vigo, data segundo sinatura electrónica

O Secretario do Órgano de Selección, Lucio C. Varela Borreguero

O Presidente do Órgano de Selección, Ezequiel Fernández Carpintero



Copia auténtica do orixinal - Concello de Vigo

Data impresión: 09/02/2018 11:58

Páxina 5 de 5

Expediente 31280/220

CSV: 24EB4-8EC8A-24C8C-2E53A

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>